



**Werbung So von wegen Bapst Pii des vierdten, an die
versammlung der Chur und Fu?rsten, zur Naumburg in
Tu?ringen, am fu?nfften tage des Hornungs, im Jar nach
Christi geburt 1561 geschehen.**

<https://hdl.handle.net/1874/424202>

6

Werbung

So von wegen Papst Pius
des vierdten/an die versammlung der Chur
vnd Fürsten / zur Naumburg in Thüringen/ am
fünfften tage des Hornungs/ im Jar nach Christi
geburt 1561 geschehen.



Item

Derselbigen Chur vnd
Fürsten Antwort/ welche sie auff der Päp-
stischen Gesandten gethane werbung/am si-
benden tage des Hornungs gegeben.



Auß dem Latein ins Teutsch gebracht.

ANNO M. D. LXI.

Verordnung

Das Buch der Verordnungen

des Kaiserlichen Hofes
in Wien
am 1. März 1781



Verordnung

über die Verordnungen

des Kaiserlichen Hofes
in Wien
am 1. März 1781



Das Buch der Verordnungen

ANNO M. D. LXXI

Inhalt der werbung/ so
von wegen Pappst Pij des vierdten/ an die ver
samlung der Schur vnd Fürsten/ zur Naumburg in
Lüringen/ am fünfften tage des Hornungs/ Im Jar
nach Christi geburt 1561 geschehen.

Sinnach der Pappst zum Heylt
gen Regiment der Kirchen beruffen wor
den/ hat er also bald/ nach vermöge seines angenom
menen Pappstlichen Hirtenambts/ sich eben auff dise
sorg begebē/ damit verderbte weise zuleben/ in bessern
stand gebracht/ die Kirch einmal befridet/ vñ alle völs
ker einerley Glaubens sein möchten: Vnd dieweil gutes zuwegen zubru
gen/ eben so wol als dem vbel abzuhelffen/ keine andere argenē/ denn daß
ein allgemain Concilium gehalten werde/ vorhanden/ hat er auß zeitli
gem nachgedencken/ mit sambt den Cardinālen ein Heylig Concilium/
auff die Ostern/ zu Trient/ in krafft habender/ vnd ihm von Gott gegebe
ner vollmacht/ zuhalten beschlossen. Auff daß aber solches allen Fürsten
verkündt werden/ vñnd sie dieselbige sorg auff sich nehmen/ auch ihren
vleis/ zu Teutscher Nation fride vnd ruhe rächlich zusein/ neben Pappst
licher sorgfältigeyt/ möchten mit zusehen/ hat er auß liebe vnd wolmats
munge/ damit er Teutscher Nation allezeit genaigt gewesen/ vñnd zu
siner einigkēyē lust gehabt/ vns seine Legaten abgefärtigt/ daß wir in
seinem namen/ einen jeden in sonderheyt ersuchen/ bitten ermahnen vñnd
zum höchsten erinnern/ darneben auch begeren sollen/ daß sie dises Conci
lium (dieweil doch alles sanfftmütiglich vnd friedlich zugehen/ männig
lich von sūrfallenden sachen freundlich würde gehört werden/ vñnd also
der Pappst auff nichts anders vmbgiēge/ denn daß die Kirche widerumb
zu fride vnd ruhe kommen möchte) besuchen/ vñnd solche Gotesfällige sorg
A ij fältigkēyē

fälscheyt wolten einen fortgang haben lassen. Hieranff ist der Pabst be-
rath/den Fürsten ein frey sicher Gelait / in aller bester / vnd solcher form/
als sie jemals gegeben worden/ oder erdacht werden mag/zugeben. Ders-
halben begert vnnnd ermahnt der Pabst/das die Fürsten/ jeder in sonder-
heyt/ire Gesandee/mit vollmächtigem gewalt/dahin wöllen abfärtigen/
vnd durch ihren vleiß/ nach dem die Kirchen trennungge gestülte (dann so-
vil mainunge vß der Religion/ als gutbeduncken/vñ souil Euägelia als
Lehrer seind) der Kirche ihre zier widerumb zugestelle/ ein Glaub allent-
halben gehalten/ vnd ein Gott von jedermänniglichen geehrt werde.

Das vberig (saget der Legat) würden sie
von seinem Mituerordenten anhören.

Derselbig redet wie nachuolgt.

Vrchleuchtige Fürsten: Sieweil
der Pabst vns beden einerley beuehl ge-
geben/ acht ich von vnnöten/ das ihenig/ so sekund
mein Mituerordenter/ gemainen vnrath der Kirche
anzuzaiigen fürbracht/zuwiderholn. Dañ jedermän-
niglichen offenbar/wohin die sach kommen/ vnd hin-
auswölle: Es ensteht ein vnrath / auß dem andern/ vnd wird dem feinde
der Christenheyt/ zum verderben des gemainen nutzses/ ein zugang ge-
macht: Demselbigen ist von nöten zubegeggen: Söliches erfordern dise
gefärlliche läuffte/so rathens der zeit gute gelegenheyt/Pabst Pij gütig-
keyt/vñ sein wolnainender vleiß/das gleich zuachten/es habe sich nie fei-
ne bessere gelegenheyt/frid anzurichten/zugetragen/vnd könne keine besse-
re gegeben werden/ demnach die Christenheyt jezund zufriden / vnnnd ein
Pabst von Gott gegeben/ welcher gegen den Potentaten in sonderheyt
wol genaigt/vnd sich der Seelen seligkeyt/ auch das der Kirche/ frid vnd
ruh widerumb zuwegen gebracht werde/ lasse angelegen sein.

Antwort

Antwort der Chur vnd
Fürsten / so zur Naumburg in Thüringen/im
Hornung des Jars 1561 versamlet gewesen/
auff der Päpstlichen Gesandten gethane
Werbung.



Die Durchleuchtigste vnd Durch-
leuchtige Hochgeborne des heyligen Rö-
mischen Reichs anwesende Chur vnd Fürsten/ auch
der abwesenden gesandte Räte vnd Botschaffte/
habē beuohln/ euch auff ewere / vonwegen des Römi-
schen Pappsts/ an ihre Chur vnd Fürstliche Gnaden
fürgebrachte Red vnd werbung/ dise antwort zugeben. Nemlich wie
ihre Chur vnd Fürstliche gnaden in keinen zweiuell stellen / daß vil ge-
lerthe weise vnd Gotsfürchtige leuthe/ zu jeder zeit/ vnd vnter allen Völ-
cken der ganzen Welt / darzu von langer zeit her / auff daß die Christ-
liche Kirch/ in einem bessern Stade sein möchte/ gewünscht/ vñ auch jesi-
ger zeit / zu Gote dem Allmächtigen ihr sehnlich gebett thuen/ damit
endlich die reine Lehr widerumb angericht/ vñ die grēwliche mißbreuche/
so in die Kirche eingeführt/ durch eine Christliche besserūg/ mögē auffge-
hoben werden. Welches zwar eben den Römischen Pappsten/ als die sich
des Titels der Kirchen/ also lang vnd von so vil jaren her / mit so groß
sem bracht haben angemass/ in ihrem gebiethe/ in sonderheyt angelegen
sein solte. Mit was sachen aber/ nēlich mit begirde vber andere zuher schē/
die Königreiche aneinander zuheken/ vnd fürwitzige abgläubische dingel/
häuffig in die Kirche einzuführen/ sie zu jeder zeit/ mehr denn zu befürde-
runge der reynen Lehre / vnd den gebrechen der Kirchen zuhelffen/ bennü-
het gewesen / ist allen frommen guthertigen Christen menschen vnuer-
A in vorgehen/

borgen/ vnd müßens vil Weise verständige Leuthe / welche dem Babste
ettwa verwanth vnd zugethan/selbs bekennen.

Es verwundern sich aber die anwesende hochermelte Chur vnd Fürs-
ten / sampt der abwesenden Gesandten/ auß was vermessenem wohn/ es
der zuuersichtlicher hoffnung/ Papst Pius der Vierde/ ihren Chur
vnd Fürstlichen Gnaden/ durch dise Botschafft die verkündigung ei-
nes Concilij auffringen/ vnd sie gehn Trient habe dorffen erfordern:
Demnach dem Babste vnd euch nicht vnwissend / welche Religion die
Stände der Augspurgischen Confession halten / vnd auß was vrsachen
sie ihre Kirchen/ nach der rechtgeschaffenen lehre des Euangelij zureyn-
gen/ vnd sich von dem hauffen/ welcher neben vntertruckunge der war-
heyt Göttlicher lehre / selbs eigene vil mehr denn die Ehr Christi suchet
abzuszondern gezwungen worden. Dann die Chur vnd Fürsten der mai-
nung/ daß der Papst vnd shr/ gänzlich darfür halten sollet/ daß sie des
Römischen Stäls macht oder Gewalt nicht erkennen/ vnd ihre Chur
vnd Fürstliche gnaden / auß vnzweuelichen zeugnissen / Göttlicher vnd
Menschlicher Rechten gewiß seien/ daß dem Römischen Babste von
rechts wegen nicht gebüre/ ein Concilium aufzuschreiben: Dann daß
der ihenig/ von welchem alle zerrüttunge vñ zwispöchte in der Kirchen her
koffen/ vnd der die offenbare warheyt grausamllicher weise ansicht/ eines
Richters Ampt füren/ vnd die streitige sachen entscheidend solte/ gibt ge-
maine Menschen vernunfft zuuer stehen/ vnd bezeugen die beschriebene
Göttliche vnd Menschliche Rechte/ daß es vnredlich.


Darneben sagen auch hochermelte Chur vnd Fürsten beständiglich/
daß ihre Chur vnd Fürstliche gnaden/ mit euwerer gethaner Rede oder
Verbunge/ vnfreundlich angetast werden / als ob sie keine gewisse
jres Glaubens hetten/ Sondern weren so vil Euangelia/ als Lehrer/ vnd
so vielerley Religion/ als gutbedüncken. Dann nicht allein shrer Chur
vñ Fürstlichen gnaden/ von allen Artickeln des Glaubens/ lautere klar-
re Bekantniß/ so sie Keyser Carl dem Fünfften / im Jar nach Christi
geburt tausent fünff hundert vnd treissig / zu Augspurg vbergeben/
Sondern auch die warheyt Göttlicher lehre/ mit mancherley schriftten
bis anher

bis anher erleutert/vnd wol herfür gebracht / öffentlich vorhanden.

In was irthumen aber die Römische Kirch jezund ersoffen/vnd mit was gewlichem mißbreuchen/vnd abglaubischen fürwissen / die Lehr des Euangelij vntertruckt/ Ja dermassen/ daß sie einer Heydnischen vil ähnlicher/ denn der Christlichen Religion/ anzusehē/ mag aller Welt vilältig klagen genugsam bezeugen.

Vnd die weil dise Teutsche Chur vnd Fürsten/ nicht als die in irthum gefallen/nit auß fräuel/ fürwitz oder leichtfärtigen begirden/ sondern auß ganz ernstlichem strengē beuehl Gottes getrungen/ von der Römischen Kirchen abgetretē/ vorhabens auff derselbigen mainunge beständiglich zubeharren/ mögen sie nit gedulden/ dz inen der Pappst Geseze fürschreibe. Dann sie erkennen keines andern macht oder Oberkeyt/ denn ihres Keyfers Ferdinandi/ welches Gesandten sie allhie/ was ihre hoffnung vnd mainung / von einem allgemainen Concilio zuhalten/ mündlich haben zuuernemen gegeben.

Sovil aber euch belangt / wöllen ihre Chur vnd Fürstliche gnaden/ daß ihrs in alle wege darfür halten sollet: Woh jr nicht eine Pappstliche Botschafft auff dismal zuerrichten gehabt/ wolten sie euch als die jr auß fürtrefflichen Venedischen geschlechten herkommet/ allen ihren genaigten freundlichen willen bewisen haben/ zum theil daß sie dem herrlichen Regiment der Venediger mit aller gutwilligkeyt genaigt/ zum theil auch/ daß sie euch Stattliches herkommens/ hohes verstands vnd weißheyt halben/ lobsvnd ihrer gunste würdig sein/ für sich selbs bekennen.



1810619

OCN 68020088

[Faint, illegible text, likely bleed-through from the reverse side of the page]

